

沈乃文主編

明別集叢刊 第三輯

第十二冊

黃山書社



国家出版基金项目
National Publishing Fund Project


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第十二冊

黃山書社




(明)余曰德 著

余德甫先生集十四卷

清抄本

余德甫先生詩集序



當吳明卿之見過而以余德甫先生之訃來相與說

久之即有意掇拾其遺文辭以傳又三載而先生之子斐以朱用晦之狀來請文其地下之石許之業脫稿矣而斐意若有未已者袖一編出之曰此先府君詩也吾子其有意乎叙而傳之余謂所為地下者稱先生詩詳已詳且吾於子鱗也傳而不冉叙斐再拜請曰昔者歐陽永叔之於梅聖俞也志而復叙之其

於蘇舜卿也叙而復志之人固不以幸豔二子而以友誼歸永叔吾子之以李先生亂辭固也獨不曰有宗徐二先生之例乎哉此當自有故不然豈其於二先生厚而李先生薄且夫志者兼世系事行而紀之者也其稱指博於法不單行序者序所撰著也其稱指專且於法得單行是故願及斐之末即溝壑而觀吾子也余惟先生之詩一而先後幾三變始先生入吾社時喜于鱗甚其緩步張拳豎頸扼臂皆精得之

然而其所自致者不能勝其所從入者是故片語出而重邱郭之價然猶未免蹊逕之累歸田以後於他念無所復之益搜劇心腑冥通於性靈神獨詣獨往之句取為子鱗所嘉賞至歎謂大江以西一人然于鱗遂不得而有先生其又稍晚邇斤弄丸之勢往與自然合或神龍或天寶或大曆或貞元要不可以一端目之大要突然而自為德甫然置之古人中固居然亡愧色也江右之名嶽大江揚瀾左蠡以奇麗

甲天下名相宏儒之業有非它藩所敢望者默於詩未有以稱也詩之病起于半山而成於双井是二君子其源非不出自少陵特取其工與老之似而加蛇足焉羊山之工，而穿鑿者也双井之老，而僻澁者也又不幸而有呂居仁之輩為之社而尸之其毒浹於肌髓而不可救明興大紳子啓狂奔亡論已弘正之間一二操觚者意若有所濫觴而識不稱才筆路藍縷雖勤而未闢

嗚呼先生往矣改社改木疇能舍先生尸哉先生於
詩古近體亡所不致佳近體獨超近體五七言亡所
不超七言律尤妙吾得而叙其凡名歐陽子之所致
歎梅蘇二子之窮不過者先生固有之然非所以論
先生也

吳郡友人王世貞撰

余德甫先生集序

余德甫先生集目錄

卷之一

五言古詩 三十九首

卷之二

七言古詩 十二首

三言 一首

四言 一首

卷之三

五言律詩

卷之四

五言律詩

卷之五

五言律詩

卷之六

五言律詩

六言律詩

五言排律

卷之七

七言律詩

卷之八

七言律詩

卷之九

七言律詩

卷之十

七言律詩

卷之十一

七言律詩

卷之十二

七言律詩

七言排律

卷之十三

五言絕句

六言絕句

七言絕句

卷之十四

七言絕句

余德甫先生集卷之一

南昌余曰德著



五言古詩

齋中讀書

休沐日嘉曠覃志事探索緬邈千載上古人有良覲
玄風蕩清芬白日洞開闢斗室懸片心高深豈無得

睡起偶成

卒卒日未已而我晝高枕黑甜厭長勤儵忽泰初景

列到窺靡際大壑俯猶梗仙人邈遐舉漫衍相接祗
神鸞迭軒翥皎潔撓塵坳殘夢破鳥聲天宇覺來迎
青蘿倒垂地白雲亂漂亂額身名亦何似生滅同泡影

龍沙圃中

朱榭隱層阿韶景發姿媚孰是美遨遊尚茲丘園賁
絳萼吐晴旭文魚競芳餌叢桂交婆娑風篁密虧蔽
拳攀未云疲勤結如有運勞各緣物舒心賞命觴寄
繁枝歛寒飈柔顏易憔悴喟彼千里駒局促轅下轡

抵家作

我本澹宕人誤為世網羈一持漢庭戟十載良自疲
秉憲入七閩章甫或在茲服膺先聖言宵人非所私
眾口日以鑠金石日以虧相彼日月明薄蝕固常期
桃李艷春陽榮名安足持去時髮未華今來忽成絲
故衣一何私素風塵化為緇遇合既有乖落安所
辭東隣沮溺流相邀問鑑基阡陌不能辨悵哉歸未
遲

贈用晦二首

子生公族中譬玉璫芝田結髮懷建安七子饑渴然
屏居夫容園搦管朔風篇藻心風天授雅奏張宮縣
結友得應劉眴眴自生妍慷慨合高唱曲罷不忍捐
春華易秋零俛仰失盛年何以酬明德長駕相高騫

其二

人生各有適嘉會非無因飛走盈兩間邈哉鳳與麟
大國豈乏材誰者當辨作輪累累湖上居幸與西園隣

公子雅好士謬予曰嘉賓置酒累長夜冥搜動經旬
綢繆念平生無乃斯道親斯道不我誣千秋良足珍

村居四首

荒塗會南北我屋枕其畔窮僻輪鞅稀結構稱勝選
鳴湍漱玉冷疎林幕雲亂犢歸暮如釣鷗狎晴若喚
鄰釀咲陶漉柳蔭想嵇鍛興至如有獲興已即無患
丘中洞披豁外物寧足絆

其二

我祖貞吉士遺訓以清約萬卷故充棟百畝非負郭
嗣人謬從仕減產宦仍薄投閒戴皇澤遂豫凜中忤
散帙肆流覽開春事東作播殖苟不力曷以慰秋穫
甘旨資洗腆公家畏徵迫二者一無負胼胝逾自樂

其三

伊余何為者結髮懷獨行金馬誤通籍委身報明盛
躡步踐周行摧輪即深穿坎、得故吾偃息向巖壑
朝騎匡山鹿夕覽松門鏡斗儲不願餘白日忽歎暝

神益徵貨損癯肥悟戰勝畢事如內平攀遊遲禽慶

其四

南山羅層岑嶺峯抗高宅倚疏芙蓉秀枕席蒼翠滴
昔宦去鄉井懷茲中如怒歸來愜真理延眺曠昕夕
朝雲暮不返節往抱深感買山諄矜名蠟屐嘆其溺
命酒對斟^酌臥遊快胸臆

侍衆大人觀競渡命賦吊屈原詩限閤脩二字

奔流集群筏競渡招三閤抗檝邁無際伐鼓聲如祛

舉世恣甘醴斯人空握瑜哀歌寄楚些遺恨江之魚
藉賈懷王聰誰其上官如

其二

湘纍匯蠡澤決潏胡不流汨羅信一勺懷石沈千秋
魚腹能彼葵蛾眉好誰述芳蘭化蕭艾篋鳳翔鷗鳩
稚子共節物通人傷靈脩

胡處士詩處士新建人早失父祖母葉撫之事

葉禮甚備父歸憂梅見梅輒思父縣官勸粟

應之如響而不受冠服亦庶幾隱君子也

隱者伏丘園達者登明廷隱顯異厥趨所貴各有稱
胡生敦朴資而靡緣飾情孝弟本力田奚必皆明經
憶梅與嗜枣永矢念所生事業與報劉同一心忤，
懸爵不願拜捐粟不留行冠帶豈不榮裘褐無乃寧
返真若斯人庶幾語幽貞七尺無百年人貌而榮名

病間作

卽後變朱炎閒居愜枕簟外翳本中枯性逐緣物染

膏火通昏旦剪髮胡屬厭白日易西匿朝華不常艷
冥境非所駭化理亦其漸宣父有明訓俟命戒行險
沾，明日事置之勿復念咄彼杜生摯乞藥毋丘險

雜咏八首

二曜亘中天行次相晦蝕川澤溢霖潦沙磧成墊渥
寒暑各有資裘葛會其適水陸須舟車所操易厥職
大化呈萬有百年會行役去者無回轅居者暫停軾
蜉蝣故楚，朝營不竟夕貞素苟不虧顛領良有獲

智士齊得喪細人抱欣戚

其二

白壁不受瑕干將斗牛射一誤蒼蠅點遂損連城直
剗犀不應掌荊猱即長棄不見鉛刀割兼睇漁陽端
五都宋人饗千金椎家觀廡下吐宵光怖者疑為崇
埋獄豈不深精理詎終閔無虞一時瞽庶俟千載慰

其三

萬事會有時至人善舒卷方來與之適既去莫能挽

神龍未乘雲泥蟠等鰕鱖鵬翼信垂天風邇聊一展
屠狗亦何奇竹帛永通顯千城豈無功棄之以二郊
時哉不我與隱閔增百感宵歡旦易促長駕日云短

其四

蘭生何冉，結根傍幽壑垂若迎惠風含穎覲靈渚
天澤非不周地勢居其薄陰產背陽林采者等蕭藿
俛仰歲寒暮嚴霜奄零落哉，泰山阿孤芳未能托

其五

蘭膏燦宵宴貧女竊隣燭掩泣獨向隅廣坐奮係肉
哀樂岐物感通塞五天錄賤士遘昌運矯志邁前躅
千里信跬步蹊徑惧投足中道會阨迫棄斥亦何速
出門不唾井息欄豈懷曝耿，草澤心 主恩重山
岳佳時有君子濟，在王國

其六

竹帛紀遺逸鐘鼎銘猷勲隱顯雖異迹德業非殊倫
東海一魯連高山四老人狂奴抗萬乘於陵為灌園

卿相非不榮所志在沈淪箕畢有攸好人情各相徇
琅玕啄鳳鳥鳥足飽鷄豚沆瀣擢金莖僊流吸其精
寂寞自一時散施等千春丘壑含輝光奚必皆朝紳

其七

虞命九德官師，如飲醇孔亟躬行教口給焉得仁
如何誦說士奉身失攸循竅辭曼先游詭辨漂熏心
卑之入深淵高之屬青雲寧不足聽聞考表非德言
朱紫鈞一色昧者眩其真審音匪師消雅鄭奚繇分

皇極醜淫朋立政虞恤人如黃瓦厲塔攸繫良不輕
懿哉中和則舍章挹孤貞

其八

命分懸自天，定將焉求萬形出大治百卉同一秋
得喪何欣戚榮瘁何思讎人情各異趣同器別薰蕕
紅女戀素纁行子志華輶尺短則長一，相為謀精
衛苦銜沙大海廣莫酬夸父不量力逐日死未休章
甫良切施祝髮如趙甌陽春非無和下里誰其儔獨

立愴斯嘆委順歸山丘

雨後看山

山色晴已佳雨後更可悅雲衣淡欲掃翠黛淨如抹
誰謂西山遠居然入吾閤忽若廣庭遊轉覺靈性發
日晏未遑食良此慰飢渴

田間二首

寒谷修春中疇隴足膏雨返轍明吾農食力詎辭苦
凌晨荷耒去歸憇日亭午清風蕩虛襟嘉禾翳環堵

田父時往還居然共申吐質樸非蓬心長揖謝簪組

其二

清池帶高岡周覽平於掌誅茅葺其趾容膝不在廣
谷窈客疑鄭徑曲自矜蔣興至理群籍塊處發深想
廿載牽世務物役空莽，白日去若馳晦鬼射幽幌
徐孺子祠

南州亘楚服詎謂卑薄域處士延熹間矯世備純德
家貧乃耕稼食力固其職豈不快遭遇炎祚日云昃

大奇將顛仆胡然効維翼徒步千里吊不就公府辟
代遠德未遐碑文羊苔蝕日暮巾車來清風凜馮軾

蘇雲卿祠

雲卿管樂流世邇屯不返托志遠行邁結廬東湖苑
綦園日芟藝業屢繼宵拊拮据良苦辛心跡棲自穩
故人據高位書辭誠款懇置之了不問咎嘆聲隱，
滅跡不終日無亦鑿坏遯黃鵠摩穹蒼羅者空悲晚

武陽田獲荅用晦寄憶

中天流大火驚風振庭柯良農望逢年乃茲慶登嘉
遺秉委南田儲廩盈西家所獲非不多所欲良已奢
歸耕畢吾分誰道常朝華彭澤有斯人心適代則遐
夫君投素書沾，問桑麻巾車儻能來為樂浩無涯
濁酒非所云滿壺饒丹霞

清明日郊遊

棲迹垂熙候華英燦以敷山葩倚欹然響鳥簧不如
締思郊原遊命侶邁軸俱即窈宣滯淫攀芳解牽拘
改步遵故阡周覽墳壘，牛羊牧其巔陰穴藏妖狐
蔓草惻青陽孟英絕啼呼百年通先後貴賤同丘墟
石塋今誰存達者嗤其愚

遣興二首

韶華暖日律茅屋在脩坂巘嶸爛雲霞心迹雙興遠
阡陌四行曲躑步咲疲寒玄泉出深井自汲噴便短
解龜不待年為農未云晚高堂賴饘粥努力事耕墾

其二

兩間列四序代謝浩無方其嚮衍庶微大者曰兩暘
聖皇求法天宰相職經邦小人田里間耕鑿亦其常
前月苦愁霖燠旱茲徬徨犂鋤已云勞桔槔復携將
豈不愛四體饘糜念高堂壺漿餉婦子息蔭桑榆傍
披襟西南風頽然忍清涼厦屋非不廣郭是無何鄉

送吳志道入楚謁徐按察

鯢鵬隘九萬涸鮒斗水足蠅飛不數趾托驥千里速
奚必取同量萬物相煦育吳生蓬累人喟為傷局促
朝發錢塘棹夕際武昌麓徐君盛賓從之子雅昔風
道舒吏潯陽餉客驅草木孝伯六尺輩以狗故人敬
使君冰滿厨但富郢中曲投贈過天池就我輒白鹿

答吉夫招遊藥湖

中夏臥丘園清風散炎蒸馴鹿鳴廣畦好鳥棲茂林
眷彼嘉賓喻契此求友聲使來洗藥湖令我心忤，
辭親命密友揚颿戒西征故人二十年落，如晨星
相去百餘里胡為憚茲行新詩共論討濁酒拚與傾

臨發語陽侯好懌飢渴情

夏日同用晦赴吉夫招遊藥湖舟中風雨分賦

十二體得末字

溪流會兩驟颿影陵木末村虛斂朝炊彷彿似窮髮
軼底營青蠅樞間坐白鴈潢潦亂瀕涯崢嶸隱岬嶂
雷足厭涸鮒溘濛廢支笏佳期即前路長年不得發

遊藥湖

靈泉瀉玉洳窈窕稱仙湖，源遡濯錦霞綺明流酥

中有懷仙人結樓湖上居肥遯亦已久外獎非所愉
賦詩招客遊至止如吾廬倚巖迴緒風攀林逮故途
周覽開心顏淹留良不孤倪仰古與今浮雲莽區，

謝用晦枉吊二首

草土雙遺孤視息等蜉蝣稽首謝故人涕泗莫可收
念昔先子時雅好龍沙遊于時兩家子几杖躬操脩
入坐命旨酒少頃羅珍羞有德將既醉無言不令酬
觀者滿路隅羨若神仙傳中道難永偕白日陰風馳

龍沙亘高天馬鬣北岡丘君旋滋德堂悟茲消百憂
日，上康壽娛樂永千秋

其二

膠漆結不解形影動相隨友道得如斯庶足語親知
傳客武陽來非君還復誰豐奠藹絮酒高文邁陳思
茲義重山嶽今人後人師執手復申慰嘆，慎起居
先孝有鷄骨安用支牀為伏塊春宵寒錦衾豈同施
中厨山糲飯相餉遂言歸前旌既已抗款別還踟躕

氣短不能語淚血沾裳衣

紀夢

萬曆春中月廿七與猶昧夢侍我府君駕言遠行邁
荒野浩無際單舫艤如待翼日君不憚五日奄見背
癸酉迄丁丑卜葬江之南外沿岫送喪草遵渚寒瀉
寒瀨緬憶夢中景一一成晤對爰知冥漠宅若為神
明神資拔淚紀茲事願天發深嘸

雜詩

講德希孔顏持議陋荀軻舉世皆耳觀屬以挽頽波
虛辭衆夫借煦沫群儉摩聖言非不嘉頌茲諛佞因
毀瓦飾徑邦入室善操戈靜言庸則違貌聖心惟頗

余德甫先生集卷之二

七言古詩

使越還京次善果寺汝弼宗兄比部萬言卿吏

部携酒見過漫賦短歌

三年不踏長安路南北風烟莽迴互今日重棲漢署
雲忽漫天涯嗟去住諸公不受尚書期竝馬鳴鞭走
相顧慙慙爲我携玉壺頃更促席羅珍具孤抱無論
別後深鄉心且向樽前吐五老峯高石可烹葛洪井

冽丹如故雲水惡東湖暮放舟蘆蕪南浦春裁賦山
靈移文鉢未成漢廷日，望金莖座中有客聞此驚
廓落揮觴懷獨醒馬嘶塵起天欲暝出門迴轡風冷
冷禪徑無僧戶自扃悄然醉影依吾形吾亦清歌不
成聲君不見灞陵今古幾郵亭朝，送客無車停又
不見眼中諸子俱鬢青年来忽漸如晨星春風恐復
解携去花下一壺誰與并

風雨行贈陳子韶西歸

風雨江城驟飄忽里巷泥深曳人足野夫被讒攤食
臥君詩憫我山之麓開緘把詩讀未竟稚子傳君亦
遭逐翩，羽翰一時鍛天子陽九百之六請君揚舲
無太速聽我為君陳昔風當年海內二三子射策結
綬承明屋跋扈宗慙奮淮海蹕輦徐卿發天目梁鴻
五噫嶺以南張衡四愁汝之曲明卿高魏駕三楚肖
甫于韶跨西蜀相遇一醉並抽毫辟易七貴爭推轂
大呼平直星斗墮高吟白晝風雷蹴華陽片語座盡

驚長安尺牘人自驚爭自云此會可常得詎知世事如
轉燭武昌長興差孤落羅浮廣陵俱鬼錄余本樗材
合棄擲君也雄飛亦雌伏余年已老君甫壯君向青
城我白鹿天池石鏡照我心蟠龍威鳳披君腹餓死
不偷比舍金曼聲誰擊漸離筑可憐群吠徒吠叢更
嗔相馬空相肉丈夫不朽竟何物肯向人問囊粟吁
嗟良覲湫末期攀留忍令朱絃促南浦愁余抱瑤瑟
西歸遲爾相思曲，成莫忘雙鯉魚江流日直嘉陵

谷君不見漢京貴勢曾幾時昨日高牙今戮辱連雲
第森榮戟秋風門外多榛蓼區，眼底亦何有萬古
乾坤竟沈陸萬古乾坤竟沈陸君行且盡樽中綠

簡李仁伯

昨日聞君罷歸里初憐失意翻成喜門前有雀漸可
羅帳下無車不生耳不才五十便還山君戀青山更
蚤還馬蹄長安塵撲面何如相對且居閒

夏日同用晦赴吉夫招遊藥湖舟中風雨分賦

十二體得難字

五月驟雨江漫，兩涯欲辨牛馬難千夫舉網相與
驅魚蝦小得回朝餐白龍挾浪青雲端稚子縮頭不
敢看鮫人辟易雙足盤于時海若差開顏望洋一哂
河伯嘆與君兀坐安如山扁舟則小眼則寬袖中赤
手堪迴瀾安得令我赤手迴狂瀾與君且命杯中乾
諸隣為先大夫廢蜡飲作此貽之

大人平生性不諱雅與父老談桑麻籃輿懶得入城